

6.

Serenissimi & Potentissimi

Borussiæ Regis

DECLARATIO

Qua ejusdem

Erga Sacram Regiam Polo-
niæ Majestatem

&

Serenissimam Rempublicam

Amicitia, studium & affectus ab ipsis
Regni initiis variis Documentis
demonstratus afferitur,

&

*A fictis aut in falsum detortis quorundam
malevolorum obtrectationibus vindicatur.*

60
ANNO MDCC XIX.



S UÆ Regiæ Maje-
stati Prussiæ nihil æque
tam acerbum evenire potuit, quam
quæ ad aures Eius pervenit falsa imputatio, ani-
mi sui in fortissimam Polonorum gentem, à se in
summa semper existimatione habitam, iniquioris;
videlicet Rempublicam per damna & injurias à
Se laceratam, & longe graviora secretis molimini-
bus agitari, eoque præcipue fine copias militares
adeo numerosas, ceterosque bellicos apparatus
instrui, ut junctis cum Sacra Tzarea Majestate viri-
bus rem Poloniæ per damna accidere, Regnum
per partes diripere, urbes, provincias avellere,
inque suam potestatem redigere posset.

Ut igitur inquis ejusmodi accusationibus,
quæ totam Polonię pervagatae omnium fere

animis insedere, sese exsolveret Sacr. Reg. Borusl. Majestas, necessarium duxit, qualem à primis regni sui auspiciis erga Regem & Rempublicam Poloniæ sese gesserit, quamque longe abfuerit à cunctis quæ illis noxam aut detrimentum illatura viderentur, universo orbi, præcipue vero inclutæ Polonorum genti hisce manifestum facere.

I.

Primum, quod erga Poloniæ in ipso mox initio suscepiti regiminis observandum fuit Sacr. Reg. Majestati officium, hoc erat, ut Pacta Vellaviensia, Poloniæ inter & Prussiam intercedentia, denuo firmarentur, & quando in Prussia à S. R. M^{te} homagium accipiendum esset, Rex & Respublica ad solennitatem invitarentur, inque formula Juramenti eventuale Poloniæ homagium comprehenderetur.

Utriusque præstationem Regi Regnoque Poloniæ promptè pollicita est S. R. M^{stas}, maxime que volenti sibi evenisset, si hac in parte tenor Pactorum rite fuisset observatus.

Haud equidem constat S. R. M^{ti}, quæ præcisè causa fuerit hujus omissionis; & quare in momento adeo essentiali, quoque Jura Regni Poloniæ in Prussia

Prussia eventualiter reservata, principaliter nituntur, ex parte Poloniæ Pacta accuratius servata non fuerint. Ipsi saltem eo respectu imputari nihil potest, posteaquam re ipsa omne id implevit, quod ab Ea Pactorum tenor exigebat. Atque insuper etiam, cum à parte Poloniæ omnino cessari animadverteret, per literas singulariter ad Regem Poloniæ, verbis quam officiosissimis quamque accuratissimis perscriptas, pro Se Posterisque suis Regi Reiquepublicæ cavit, quamvis neque Pacta repetito jurejurando confirmata, neque eventuale homagium Regno Poloniæ præstitum esset, id tamen in noxiā consequentiā haud-quaquam valitum, verum cuncta prædicta Regno in Prussia competentia Jura pariter ac si omnia rite perfecta fuissent, salva & integra permanēta.

II.

Neque multo postea Poloniæ Saxoniaeque grave periculum emicuit. Advenerat è ditione Turcarum in Pomeraniam Rex Sueciæ nuper fato defunctus, novumque impetum in Regem Renumque Poloniæ ingenti conatu moliebatur, neque dubium erat, quin contractis suis in Germania copiis, denuo in Poloniam fuisset perrupturus, ferroque & flammis cuncta vastatus, nisi à S. R. M^{te} Prussiæ probitus fuisset.

Testes sunt Regii Poloniæ in aula Regia
 Prussiæ tunc præsentes Ministri , & adsunt alia
 præterea documenta , quæ fidem faciant , solam
 S. R. M^{tem} causam publicam tunc sustinuisse , &
 quamvis ratione suorum commodorum , æquis
 admodum conditionibus cum Rege Sueciæ trans-
 igere in proclivi haberet , id tamen facere recu-
 sasse , Regemque Sueciæ in Stralsunda ingenti
 exercitu oppugnasse , donec inde ultra mare repel-
 leretur , unice ob eam causam , quod à proposito
 regrediendi in Poloniæ bellumque ibi renovan-
 di averti se non pateretur .

Statim à suo è Turcia reditu Rex Sueciæ
 Landgravium Hasso - Cassellanum ad S. R. M^{tem}
 mandavit , cum pollicitationibus admodum pro-
 ficiis , quibus tamen , quod præcipua conditio
 adjecta erat , ut liberum ipsi esset Poloniæ armis
 denuo invadere , idque S. R. M^{tas} Prussiæ ne im-
 pediret , adeo non favit S. R. M^{tas} , ut Landgravi-
 um re omnino infecta à se dimitteret , ex quo ve-
 rissime asleri potest , S. R. M^{tem} Prussiæ totam il-
 lam expeditionem Stralsundensem , unice eo fine
 suscepisse , tantumque sanguinis & opum impen-
 disse , ut Regno Poloniæ integra quies servaretur ,
 neque per iteratam Regis Sueciæ invasionem in
 novam calamitatem præcipitaretur , quod nisi
 Sua

Sua Reg. M^{tas} Prussiæ effecisset , facile evenire potuisset , ut universum Regnum ab eo tempore huc usque belli flammis correptum undique arderet.

Enimvero S. R. M^{tas} Poloniæ suis etiam copiis , quarum virtuti & rebus strenue gestis sua laus debetur , expeditionem eandem Stralsundensem adjuvit , eæ tamen numero inferiores erant , quam ut tantam rem solæ peragerent . S. R M^{ti} Prussiæ vero justus adfuit exercitus , res tormentaria instructissima , cum omni necessario instrumento & apparatu copiosissimo , magnus præterea numerus navigiorum , quibus ad transfretandum in Rugiam opus erat , suis sumptibus accutus , ipsisque copiis Regis Poloniæ alendis , pecunia & annona suppedita , cunctaque hæc Regiæ Majestatis Poloniæ probe cognita .

Quodsi animus fuisset S. R. M^{ti} mala Poloniæ in sua commoda vertere , in turbido piscari , & provinciarum aliquam occupare , certe tunc opportunum tempus agendi adfuisset . Neque enim Rex Sueciæ vel olim quicquam omisit vel tunc omittebat , ut magnificis pollicitationibus S. R. M^{tem} contra Polonię in suas partes adduceret , aut saltem impetraret , ut sibi

sibi liberum relinquetur, sua contra Poloniam destinata soli perficere. Verum inde ab initio præsentis belli Suedici, hanc sibi legem domus Brandenburgica constanter proposuit, & haec tenus observavit, bello contra Poloniam non immisceri, nec quicquam facere aut committere quod in detrimentum Reipublicæ cedere posset. Quinimo, quamprimum bello Gallico se expeditit S. R. M^{tas}, partibus Regni Poloniæ accessit, & hosti ejus, Regi Sueciæ, se opposuit, nullum ne minimum à Regno Poloniæ præmium aut retributionem, quod quidem, si fecisset, ab æquitate haud erat alienum, viciissim pacta.

III.

Medio tempore præsentis in Polonia diuturni belli, id quod turbatis adeo rebus evenire solet, tantum invaluit Polonorū, qui proprius limites ditionum S. R. M^{tis} in Prussia accolunt, insolentia & ferocia, ut intra territorium S. R. M^{tis} & in ejus incolas, tantum non continuis injuriis & sæva violentia grassarentur. Incendia, rapinæ, prædæ, hominum pecorumque abactus, quicquid durum in aperto bello à manifestis hostibus exerceri posset, in terris S. R. M^{tis} Prussiae à Polonis patratum est. Quæ eapropter in Poloniæ de-

detulit querelas S. R. M^{tas} Prusiaæ, adeo non sunt auribus admissæ, ut ne inquisitionem quidem factorum instituere lubitum fuerit, tantum abest, ut injuriarum damnorumque illatorum facta furerit reparatio.

Quamvis autem hoc ipso, jus fasque abunde natum sit S. R. M^{ti} ab ejusmodi injuriis seipsum vindicare, neque deessent in promptu media viresque exsequendi, abstinere tamen maluit, & præsentium temporum calamitati aliquid concedere, spe persuasa, fore, ut post reductam pacem cunctæ istæ turbationes omitterentur, animorumque in Polonia ad confinia provinciarum S. R. M^{tis} ferocia tensim mollesceret.

IV.

Eadem quoque moderatio à S. R. M^{te} servata est, ratione Vectigalium & Teloniorum in Polonia & Lithuania, contra expressam Pactorum dispositionem aut recenter institutorum, aut supra antiquum modum adauctorum. Quanquam enim subditi S. R. M^{tis} hisce recentibus aut antiquis noviter adauctis teloniis summopere aggraverentur, parique jure fas fuisset S. R. M^{ti} in suis terris Prusiaæ teloniorum rationem immutare, eum tamen modum constanter abnuit,

& intra repræsenrationes, voce & scriptis ad aulam Regiam, ipsaque nupera Regni comitia delatas, rem subsistere passa est.

Cuncta hæc luculenter ostendunt, S. R. M^{tem} vel justis causis commotam, non tamen ab animo suo impetrare potuisse, ut in gentem Polonam inimicitias exsiceret. Neque tamen eo minus in tantam processit occultorum in Polonia S. R. M^{tis} adversariorum malitia, ut Ei diversa Poloniæ perniciosa molimina affingere non vereantur.

V.

Primarium hoc est, quod civitati Elbingensi, Episcopatui Varmiensi, ipsi Prussiæ Polonicæ, & Pomerelliæ, postremo nunc etiam Curlandiæ & Dantisco, imminere insimulatur, easque regiones, urbes, provincias, per vim in suam potestatem redigendi, & à Polonia avellendi, consilia agitare.

Verum enim vero omnes istas incusationes falsas nulloque fundamento nixas, ipse eventus in hunc diem comprobavit, & neque in scripto produci quidquam potuisse, neque reipsa actum aut consecutum esse, unde S. R. M^{tas} ejusmodi fines aut destinata cogitasse coargui possit. Etenim res ipsa loquitur, adversus Elbingam, Varmiam,

miam, Prussiamque Polonicam, nihil unquam tentatum, amicitiae potius & bonae viciniae jura, cum his pariter atque ceteris, Regno Poloniæ subjectis, Prussiæ, qua in ditione S. R. M^{tis} est, collimiteis provinciis & regionibus, fuisse observata.

Civitatis Gedanensis securitatem inter præcipuas curas S. R. M^{tis} semper fuisse, minus dubium videbitur cunctis, qui situm urbis cognitum habent, & quantopere intersit S. R. M^{tis}, præalentem ejus statum integrum conservari, quanta sit subditorum, è propinquis S. R. M^{tis} teritoriis, cum ea urbe commerciorum frequentatio, quantumque utilitatis inde invicem exundet. Si quas in angustias aut molestias Urbs adducta esset, quoties pro auxilio ad S. R. M^{tēm} confugit, nunquam non Ejus intercessione & opera sublevata est, neque vel ipsa civitas negabit, eas in rem suam haud una vice insigniter profecisse.

Verum posteaquam hæc ipsa Urbs, cum subditis S. R. M^{tis} Prussiæ, duriter agere cœpit, & fortis pecuniarum in fide ejus collocatarum, pariter atque usuras ex pacto debitas exhibere recusavit, adeo ut exinde complures creditorum, in sœyas angustias & extremam miseriam adigerentur, nemo facile improbaturus est, S. R. M^{tēm} ea

propter serio expostulaſie , cum adjuncta significatione , in tam justa cauſa , subditis suis tuendis pro conſequendo eorum jure Se non defuturam.

Non tamen ultra verborum contestationem res processit , vis autem aut rigor in Urbem admissus non est , nec violentiæ quicquam perpetratum.

VI.

De negotio Curlandiæ vehementes quidem per totam Poloniā exaudiuntur clamores , quamque S R. M^{tas} idcirco fovet , intentio , in deterrimum ſenſum detorquetur , videlicet , id age re S. R. M^{tem} , ut eum Ducatum a Polonia avellat , Regni & Reipublicæ in eum competentia jura penitus labefactet , terrasque Curlandiæ , reliquæ Prussiæ Brandenburgicæ annexat.

Quicquid hujus eſt , vanum eſt & inane . Ejusmodi cogitatio neque ſubiit animum S. R. M^{tis} , nec ullo tempore ſubibit.

E contrario fide verbi Regii profitetur S. R. M^{tas} , Ducatum Curlandiæ & Semgalliaæ , cum omnibus illuc pertinentibus , non in præſens tan tum , quoisque Dux Ferdinandus in vivis ſupererit , ſed & post ejus fata , ſub directo & supremo Regni Poloniae dominio manere , neque vel mini mum

mum inde decerpi, nedum ab ea Corona' avelli,
aut cujuscunque alterius, præterquam Regni Po-
loniæ, dominio subjici debere.

Porro pro Se Suisque Posteris in sempiter-
num spondet S. R. M^{tas}, vel unicum rusticum
prædium, aut quicquid, quam sit exiguum, quod
Curlandici juris est, se non petituram. Quin
etiam solenni cum S. Tzarea M^{te} pacto quam va-
lidissime se obstrinxit, neque Se, nec qui ex se
nascentur Posteri, unquam quicquam, quocun-
que tandem obtentu, in Curlandiam juris sibi
arrogaturos, verum eam regionem, perpetuo sin-
gularem, a Regno Poloniæ dependentem Provin-
ciam, esse & manere debere.

Iuxta tamen confidit S. R. M^{tas} in amante
justitiæ & generoso Regiæ M^{ts} & Gentis Polonicæ
animo, æquum arbitraturos, ut, quæ post fata
Ducis Ferdinandi, Curlandiæ imminet ingens re-
rum mutatio, S. R. M^{ts}. Propinquis sanguine jun-
ctis, pars eâdem domo ortis, pars per matrimo-
nia insitis, pars aliunde sub ejus protectione de-
gentibus, ratione suarum in Curlandiam, ex capite,
sive Alimentorum, sive Dotium & Dotalitiorum,
sive a Majoribus provisarum Ordinationum, seu
denique ex capite bonorum Allodialium, præter
ea, quæ proprie feudalia, & ab illis distincta sunt,

existentium , summo jure competentium actionum satisfiat , eoque respectu de necessaria securitate , & consequendi juris æqua ratione , mature prospiciatur.

Præsertim cum inter has illustres Petitrices aliquot existant Principes fæminæ , quæ à prima infantia , nec unicum obulum è Curlandia accipere , quibus pro hypotheca obligata Domania crepta , & aliis tradita , quibusque proinde , pro ratione excelsæ originis , extrema inopia incubuisse , nisi per Divinam Providentiam aliunde illis fuisset consultum .

Et quoniam exiguum non est quod petitur , sed ad complures milliones ascendit , tanto gravior causa est eas petitiones movendi , quandoquidem , si , quod fama circumfertur , Curlandiæ Ducatus , corpori Regni Poloniæ conjungendus , & in Palatinatus esset describendus , non constaret illustribus Petriticibus , qua via aut in quos , actiones pro consequendo jure suo instituendas essent habituræ .

Quæ in medium allata fuit propositio , Marchionem Brandenburgico - Svetanum , à Rege Regnoque Poloniæ Ducatum Curlandiæ feudi jure accepturum , ea lege , ut cuncta illa nomina in

in se transferat, eisque feudum Curlandiæ liberet, ea utique tanto facilius approbationem habitura credebatur, quod antehac aula Polonica Ducatum Curlandiæ in Principem Weissenfelsinum transferre intendisset, absque tamen eo onere, in quem casum omnis illa præstatio illustribus Pettricibus facienda, in ipsam Rempublicam deyoluta fuisset.

Sane volenti S. R. M^{ti} erit, expectare media a S. R. M^{te} & Republica Poloniæ adinvenienda, qua ratione prædictis Pettricibus satisfieri possit.

At vero iniquum & ab omni jure summovere alienum foret, per speciem Juridicæ actionis, quæ quidem minæ jactatæ sunt, revera autem DEO & quicquid est justitiæ adversantis, Earum jura convellere, illisque Eas protinus exuere velle

Enimvero melior spes tenet S. R. M^{tcm}, fore, ut a se propositum inque æternis Poloniā inter & Prussiam constitutis pactis radicatum modum, Regia M^{tas} & Respublica Poloniæ amplectatur, nimirum, ut ex parte Reipublicæ, æque ac Pettricum, Commissarii paribus utrinque mandatis & auctoritate muniti, quam primum constituantur, qui cunctas illas prætensiones intime excutiant, ad constituendum liquidum deducant,

inque certos modos illud exsolvendi amice consentiant. Quo in negotio ipsa S. R. M^{tas}, propter suas in eo versantes proprias rationes, una concurret, & ita rem gerere sibi proponit, ne mutua Sibi cum Republica intercedens benevolentia vel minimum detrimentum patiatur.

VII.

Porro hoc etiam admodum traduci videtur, & in malam partem trahi, quod S. R. M^{tas} Prussiæ per occasionem hujus negotii Curlandici, nempe, jam memoratæ pollicitationis, mediante successione Marchionis in Curlandia, eam provinciam ab immensis in ea hærentibus debitibus & prætensionibus eliberandi, Status provinciales Curlandiæ compellaverit, eo nimirum obtentu, quod ad modo dictos Status neutiquam pertineat, negotio successionis se ingerere, quodque ea compellatione Regis & Reipublicæ in Curlandiam jura violentur.

Ista vero objectio justissime refellitur eo, quod, quæ cum Statibus provincialibus Curlandiæ acta & communicata sunt, accessionem consensus Regii & Reipublicæ, pro successione Marchionis interponendi, neutiquam excludant, quodque pro eo impetrando Rex & Respublica pari-

pariter implorandi fuisse. Quæ vero super ea
successione facta est Ordinum provincialium
Curlandia interpellatio, exemplo vel ipsorum
Regum Poloniæ, singulatim Johannis Casimiri,
& hodie regnantis Regis nititur. Et Johannes
quidem Casimirus, adhuc Princeps, quomodo
pro successione in Curlandia Status ejus provinciæ
adierit, ipsius epistola, huic apologiæ † subjecta, **A.**
ostendit. Ea vero quæ inter Regem & Tzarem
sancita est, pariter hic † adjuncta Conventio,
luculenter ante oculos exponit, Status Curlandia
præcipue interpellatos, & tanquam primum mo-
bile adhibitos fuisse, quo tempore modernus Rex
Principem Weissenfelsinum Ducatui Curlandia
imponere affectabat, quod ipsum ex alia quoque, **B.**
hic etiam † subjecta, epistola apparet, à Regia
Majestate Poloniæ ad Status Curlandia perscripta. **C.**

Præterea hoc quoque contra successionem
Marchionis in Curlandia allegatur, in Constitu-
tione Regni Poloniæ Ao. 1589. provisum esse,
quandocunque feudi Curlandici apertura contin-
geret, illam provinciam in unum cum Regno
corpus coalescere debere. At vero, hujusmodi
Constitutio Diplomati subjectionis Curlandia
adversatur, cuius vigore Curlandia Principatus
titulo ornata est, qui sane per subsequentem in-

corporationem esset desiturus , illa abhinc in Pa-
latinatus & Capitaneatus distribuenda. Cautum
præterea est prædicto Diplomate , ne circa jura ,
privilegia & præprimis circa usum Sacrorum &
receptos secundum Aug. Confess. ritus , denique
circa superioritates , præminentias , dignitates ,
possessiones , libertates & plebis cita quibus civi-
tates omniumque Curlandiæ ordinum subditi
antea gaudebant , ulla unquam fieret mutatio ,
consuetudines potius & mores antiqui in pristino
statu servarentur , quod , quo pacto observari , ea-
demque in lacris & profanis res publicas privatas-
que administrandi ratio retineri posset , si Curlan-
dia in unum idemque Corpus cum Polonia coale-
scat , nemo facile comprehendet.

Periit profecto funditus res Evangelica per
omnem Curlandiam ; si ille qui nunc invaluit , &
nuper Varsaviæ in Comitiis Regni quasi legis vim
accepit , in Polonia cum Dissidentibus agendi
modus , ad Protestantes Curlandiæ etiam pertinere
debet , illos nimirum post incorporationem eo-
dem jure cum reliquis Polonis censeri debere
quis dubitet.

Accedit , quod Status Curlandiæ super Con-
stitutione Anni 1589. non sint audit , quod tamen ,
ut

ut in negotio, in quo gravissimum eorum præjudicium versabatur, omnino fieri oportebat.

Primarium verò, quod isti constitutioni obstat, eamque penitus convellit, momentum est, quod exorto postmodum casu aperturæ, nulla plane ejus ratio habita, sed in vacuum à Friderico Duce Principatum, nullo ad Constitutionem respectu, secundum intercessionem Nobilitatis Curlandiæ, Jacobus Dux Curlandiæ fuerit institutus, id quod è literis Investituræ luculenter appareat.

Quodsi etiam aliqua Constitutio, qualis illa A. 1589. esse fertur, extaret, & valida censeretur, S. R. M^{tas} Poloniæ nunquam in animum induxisset, cum extraneis Principibus pacta inire, ut, non post fata demum moderni Ducis Curlandiæ improlis, sed vel ipso vivente, Curlandia in alium Principem transferatur : id quod tamen per memoratum Tractatum factum est. Hæc enim nihil aliud nisi manifesta contraventio legibus Regni censenda foret, quam in S. R. M^{te} Poloniæ vel cogitare aut suspicari nefas est.

Postremo illud quoque adhuc monendum est, tametsi etiam concedatur, quod tamen ex tot ac tantis rationibus merito adhuc in dubium

vocandum est, Curlandiam post fata Ducis Ferdinandi sine legitima prole Mascula decedentis Poloniæ incorporari debere, nulla tamen ratione prætendi posse, ut casu hoc eveniente Vidua Dux Curlandiæ, Ducissa Coburgensis, & Serenissimæ Sorores ultimo defuncti Curlandiæ Ducis, cum Abbatissa Hervordiensi, pariter quoque omnia jura amittant, quæ illis sive ex Capite Allodii cum feudo Curlandiæ nihil commune habentis, sive ex prætensionibus avitis, Pactis etiam Dotalibus, Contractibus & Donationibus, Dotis etiam & alimentorum nomine debentur, & quorum maxima pars Regum etiam Poloniæ Confirmationibus & Concessionibus firmata est, quin potius Serenissimas Principes hasce Fœminas summo jure summaque æquitate postulare, ut quisquis tandem futurus est Curlandiæ Princeps, de hisce omnibus iisdem satisficiat, neque Possessionem Duatus ingrediatur, antequam hac de re plena illis præstata sit securitas.

VIII.

Denique abunde constat S. R. M^{ti} quam alienæ quamque adversæ ideæ, ob Regiam dignitatem, à Parente suo gloriösæ memoriæ, ante hos fere viginti annos, domui suæ illatam, inclutæ genti Polonicæ hactenus fuerint impressæ.

Diffe-

Differebatur recens dignitas , tanquam Re-
gno Poloniæ summe injuriosa & damnoſa ; Prui-
ſiæ Reges titulum hunc in abusum tracturos ; ne-
que aliud intendi , niſi ut Paſta Poloniæ cum
Prussia Brandenburgica intercedentia labefacten-
tur , aut protinus evertantur ; & alia complura
Poloniæ moleſta accersantur.

Sæpius equidem à S. R. M^{te} declaratum est ,
Regia dignitate , nihil penitus novorum Jurium , po-
tentiaſis & potentiæ , in præjudicium Regni Poloniæ ,
ſed unice novos honores quæſitos , Seque nihil-
ominus Paſta conſtanter & ſancte obſervaturam ,
nec ulla vel minima parte contra ea ituram , Re-
gno quoque Poloniæ reſervatum in Prussia even-
tuale ius ſuccedendi , ſalvum & intactum per-
mansurum , neque ei per dignitatem Regiam
quicquam deceſſurum .

Cuncta hæc nondum quidem hucusque pro-
fecere , ut omnimoda animorum in Polonia ſati-
factio conciliaretur : non tamen ea de cauſa , quod
titulus Ducatus Pruſiæ Regio commutatus Regno
Poloniæ damnum aliquod attulerit , ſed ideo ,
quod nonnulli , qui amicam & concordem do-
mus Brandenburgicæ cum Republica communi-
cationem obliquis oculis intuentur , ſibique &

suis in oppressionem Reipublicæ tendentibus molimini bus, exinde obstacula metuunt, hinc obtentum cupide quærerent, Commerciū per epistolas & legationes, Rēpublicam inter & S. R. M^{tem} Prussiæ, turbandi & sistendi, forte etiam, si qua occasio aliquando se offerat, causas apertæ collisionis S. R. M^{tis} cum Polonia inde elicendi. Alioquin enim, & nisi malignorum ejusmodi pravæ intentiones intercederent, fieri non posset, quin Natio insigni pollens sapientia & perspicacitate, qualis Polonorum præ cæteris esse agnoscitur, dudum intellexisset & judicasset, à Corona Prussiæ nullum se detrimentum pati, neque intuitu jurium Poloniæ in Prusiam competentium, quicquam differre, Regis aut Ducis titulus ab ejus possesso præferatur.

Viginti prope anni, uti modo dictum, effluxere, ex quo titulus Regius penes domum Electoralem Brandenburgicam fuit. Per totum tam longi temporis tractum, per tot tamque notabiles, in orbe Christiano, præcipue autem in ipsa Polonia, factas rerum conversiones, saltem aliquid sese exseruisset, si quid Poloniæ noxii Regalis hæc Prussiæ dignitas contineret, aut detrimentum aliquod Poloniæ inde obvenire posset.

Neque

Néque tamen per omnes hos viginti annos vel minimum ejus rei apparuit indicium.

Pacta, Constitutiones, Jura & Consuetudines, inter utrumque Regnum & Gentem continue eadem permansere. A parte S. R. M^{ts} nihil unquam allegatum est, quo ex causa consecutæ Regiæ dignitatis, hoc vel illo in Pactis contento articulo se exsolvi, aut eapropter quicquam innovari, aut prærogativam quamcunque concedi postulasset. Sed & in futurum eandem rationem servare placet, etiamsi Polonia Prussiaque, ad finem usque ævi, id quod eventurum speratur, in præsenti statu essent duraturæ.

Enimvero non ingratum foret S. R. M^{ti} negotium hoc cum Republica componi, quo liberius & expeditius, super communibus commodis, sibi invicem arctissime connexis, consilia in commune conferri possent: non tamen abnuit S. R. M^{tas}, siquidem Reipublicæ magis placeat, rem in præsenti statu relinqu, quamdiu illi visum fuerit, in eo acquiescere, neque ob id singulari, quam de Republica habet, summæ existimationi, aut desiderio, commoda ejus, quantum in sua erit potestate, promovendi quicquam decedet.

Interēa pro solatio erit S. R. M^{ti}, Dignitatem suam, ceterorum omnium, vel maximorum & potentissimorum, Europæ Principum consenſu assertam, ſequenter ab illis ea distinctione frui, quæ à nonnullis ceterorum Regum adhuc desideratur, neque hactenus, quantumcunque pro ea consequenda vehementer laborarent, impetrari potuit.

Hæc fere sunt omnia illa argumenta, quibus S. R. M^{tas} infensi in Regnum Poloniæ animi insimulatur, & è quibus propositum, damna & injrias inferendi specioſe elicitur.

Non dubitat S. R. M^{tas} ad rectum æquumque universi Orbis, præcipue autem è Polonica gente, eximia ingenii & penetrationis gloria incluta, animorum, aliunde & aliis de causis haud præoccupatorum, judicium provocare. Et si cuiquam idcirco ſcrupulus aliquis reliquus hæreat, ultro ampliorem dilucidationem pollicetur, donec unicuique plane fuerit ſatisfactum.

Unum rogat S. R. M^{tas}, ne ex suo armorum paratu ſinistras ſuspiciones insinuari ſibi Republica patiatur. Prosperatum alioquin a D^EO S. R. M^{tis} regimen, hoc tamen habet moleſtæ adverſitatis,

tatis , apertis occultisque inimiciis esse obnoxium : invideri fortunæ & incrementis domus , neque admodum dissimulari , si qualiscunque occasio se præbeat , non defuturos , qui Ei cum universa domo extremam ruinam essent accersituri . Cunctis his machinationibus non habet quod opponat S. R. M^{tas} , post Deum & amicorum opem , nisi robur armorum . Ea igitur est unica & genuina causa , qua adducta & quasi compulsa est S. R. M^{tas} , apparatus armorum suorum , ad eum modum , qualis pro tempore existit , instruere . Non ut gravis fiat cuiquam vicinorum , aut vim alicui inferat , neque ut per injuriam fines suos promoteat : sed id unum sibi propositum tenet , ut quæ à Deo collata , & à majoribus jure successionis derivata in se accepit , integra conservet , suosque vicinos & amicos , præcipue vero gentem Polonam , cui æterni fœderis vinculo conjuncta , cuiusve libertas & prosperitas Suæ domus que suæ incolumitati adeo arcte innexa est , quotiescumque necesitas postulaverit , juvare & gratum facere poscit , neutiquam vero , nec ulla unquam consideratione qualiscunque ea tandem fuerit , adduci se patietur , ut quicquam admittat , quod prædictæ inclutæ Genti vel minima

in re infestum , aut in detrimentum cedere valeat , id quod fide & verbo Regio , quorum observationem sanctam constanter habet , hisce quam firmissime pollicetur . Berolini , die 29. Mensis Martii , Anno reparatæ salutis MDCCXIX. & Regni Regiæ Suæ Majestatis VII.

FR. WILHELMUS,
REX.



ILGEN.

LIT. A.

JOHNES CASIMIRUS,
DEI gratia, Princeps Poloniæ & Sue-
ciæ, &c. Generose multum dilecte, Non
ignorat procul dubio Sinceritas Tua, quatenus ante an-
num in Comitiis Regni Varsaviæ habitis Rempublicam
pro obtinendo Ducatu Curlandiaæ interpellaverimus, &
in animis Dominorum Senatorum tantum favoris in-
venerimus, ut omnium fere suffragia in nostras partes in-
clinaverint, unde spem concepimus, fore, ut quæ tunc
secundum nos excidere sententiaæ, in proxime futuris
Regni Comitiis haud immutentur, sed potius confir-
mentur, idque eo magis, quando relatum nobis est,
peracta nuper comitiola provincialia passim unanimi
consensu à nobis stetisse. Quoniam vero pergratum
nobis foret, si ipsi Provinciales Incolæ proprio motu
apud Regem & Rempublicam eo nomine intervenirent,
Sincer. Tuam', cuius pronam in nos benevolentiam &
fidem dudum spectatam habemus, suasu & au&toritate
S. R. Majestatis, hisce compellamus, velit negotium hoc
in rem nostram apud prædictos Incolas in eum modum
dirigere, animosque flectere, ut facilius promptiusque
intentionem nostram consequi valeamus. "

Nos è contrario promittimus, universæ Provinciæ
Religionem & Privilegia, quibus in præsens utitur,
perpetuo conservaturos, prætereaque Sinceritati Tuæ
actualem gratiam opportuno tempore singulariter re-
turos, ut præstitæ nobis fidelitatis eam nunquam pœ-
nitateat.

niteat. De reliquo Sinceritatem Tuam Divinæ tutelæ commendamus, gratiamque nostram regalem pollice-
mur. Datum Varsaviæ, 26. Jan. 1638.

JOHANN CASIMIR, Pr.



Generoso singulariter nobis dilecto
Eberhardo Wolff, &c.

LIT. B.

Poste aquam Tzaarea Sua Majestas, ut & Regia Sua Majestas Poloniæ, rationibus idoneis & prægnantibus inductæ crediderunt, è re sua esse, & ad majorem mutuæ inter se bonæ voluntatis atque propensi animi Confirmationem pertinere, ut Serenissimo & Celsissimo Principi, Domino Johanni Adolpho, Duci Saxoniæ Weissenfelsi, Serenissima Princeps, Domina Anna, Princeps totius Russiæ, & Dux Vidua Curlandiæ, certis legibus solenniter desponsetur: Ea propter supradictæ

dictæ suæ Majestates de pacto & conditionibus,
quibus id institutum perfici & ad optatum finem
deduci posset, per Ministros Plenipotentiarios ad
hoc ab utraque parte nominatos, sequentibus ar-
ticulis rite convenere:

Artic. I.

NB Pollicetur Tzaarea Sua Majestas, se juxta Conven-
tionem, cum Ordinibus Curlandiæ initam rem eò diri-
gere velle, ut isti Regiam Suam Majestatem Poloniæ,
Inclytamque Rempublicam per Deputatos solenni modo
constitutos decenter & supplices implorent, velint ex
dijudicatione suorum jam pridem adversus Ferdinandum, Curlandiæ Ducem delatorum gravaminum, quæ
non minus Suæ Majestati Poloniæ, quam luculentius
etiam Commisioni ab Eadem in Curlandiam missæ co-
gnita atque perspecta sunt, declarare, præfatum Curlan-
diæ Ducem hoc Ducatu, tanquam feudo à Regia Sua
Majestate & Republica dependente, & omni, quod in
illum Ei hactenus competit, jure penitus excidisse,
Regiamque Suam Majestatem cum Republicâ, Ipsius
loco Ducatum hunc, cum omnibus ad illum spectanti-
bus juribus, beneficiis, privilegiis & prærogativis, qui-
bis Curlandiæ Duces hactenus gavisi sunt, in Principem
Saxo-Weissenfelsensem, vi supremi, quod in Curlandiam
habent, Dominii transferre & transcribere, Eumque
de eo investire velle.

Artic. 2.

NB Vicissim spondet Regia Sua Poloniæ Majestas, quod
non tantum pro se in illa Ordinum Curlandiæ vota &
NB deside-

“desideria benigne consentire, sed etiam operam dare velit, ut Respublica pari voluntate eadem comprobet & rati habeat: Cui fini assequendō dictam Rempublicam ad id jam pridem præparare cœpit, & porro quoque omneim impendet operam, ut Eadem penitus in hanc sententiam pertrahatur.

Artic. 3.

Quibus ex voto succendentibus effectuque datis, nec non investitura Principi Saxo-Weissenfelsensi, pro Se Suisque hæredibus masculis ex legitimo Conjugio suscipiendis rite collatâ, matrimonium cum Serenissima Suæ Tzaareæ Majestatis ex Fratre Filia, viduâ initor, & realis in Curlandenses Provincias immissio, sine ullâ morâ suscipitor, ita ut neutrum sine altero fiat aut fieri possit.

Artic. 4.

Utraque Tzaarea & Poloniæ Majestas quoque promittunt, se Principi Saxo - Weissenfelsensi, ejusque successoribus feudalibus, Terrarum Curlandensium possessionem, cum omnibus iisdem annexis & ex antiqua observantia competentibus Prærogativis, Juribus & Immunitatibus, nullo excepto, conservaturas, & contra quoscunque defensuras protecturasque esse.

Artic. 5.

In specie vero sua Tzaarea Majestas alte memoratam Ducem Viduam, ornatu, mundo muliebri, vasis argen-

argenteis cæterisque Mobilibus & supellecstile , tantâ Principe dignis instruet , omniaque Eidem in Ducatum “ Curlandiæ ejusve Præfecturas competentia jura , quo-“ cunque nomine venerint , Principi Saxo - Weissenfel-“ sensi ipsiusque legitimis hæredibus & successoribus in favorem hujus matrimonii cedet atque remittet , Ei-“ demque Duci Viduæ omnia & singula commoda & emolumenta , quæ Illi , cum primum proxime defuncto Curlandiæ Duci nuberet , pactis dotalibus concessit , nunc pariter concedet , quem in finem pacta dotalia cum defuncto Principe inita , ante consummationem nuptiarum bonâ fide communicabuntur , quò ad eorum formam & tenorem ea , quæ nunc conficienda sunt , conscribi queant.

Artic. 6.

Eâ tamen conditione , ut hæc ipsa Articulo præce-“ denti à sua Tzaarea Majestate in Principem Saxo - Weis-“ senfensem facta cessio , & translatio prætensionum & “ Jurium , Duci Viduæ in Curlandiam competentium , “ in locum dotis demortuo Duci primum Conjugi pro-“ missæ succedat , & ad eam posthac in ære persolvendam Sua Tzaarea Majestas nullo modo teneatur ; Serenissimus Princeps sponsus quoque Doti huic penitus renunciat , nec minus tamen omnia eademque lucra , quæ à de-“ functo Duce , Serenissimæ Viduæ , occasione contracti cum eo matrimonii promissa fuerant , sine ulla exceptio-“ ne non secus ac si ista disertis verbis hic inserta & sigillatim expressa essent , præstabit .

Artic. 7.

Quod si autem res eo deduci nequeat , ut Ferdi-“ nandus Dux ditionibus suis penitus & in perpetuum ejicia-

- 11 ejiciatur : Id tamen Utraque Majestas effectura est, ut
 "Duci huic, quoad vixerit, annuâ, sed mediocri pensio-
 "ne , vel ab Ordinibus , vel ex redditibus Ducalibus sol-
 "yendâ prospiciatur , atque de hoc negotio cum Illo sub
 12 auspiciis Regiæ suæ Majestatis ante consummandum
 matrimonium transfigatur. Convenit præterea inter
 Utramque Majestatem , ut modo dicta annua pensio
 Ferdinando Duci per omne, quod ei supereft , vitæ
 tempus , utroque casu , sive feudo in totum privetur,
 sive minus, præberi debeat.

Artic. 8.

Placuit quoque & Utraque contrahentium pars
 13 invicem promisit , se hanc de Matrimonio pactionem
 "eo usque celare , nec quicquam de eo evulgare velle ;
 antequam singula Conventionis hujus Capita ad ple-
 num pervenerint effectum.

Artic. 9.

Ministri denique Serenissimorum Paciscentium
 Plenipotentiarii ex Utraque parte in id consenserunt ,
 curatum iri , ut Utriusque Tzaareæ & Poloniæ Maje-
 statis Diplomata Ratificationis Conditionum supra
 scriptarum , intra octo hebdmarum spatium , alteri
 ab altero Tzaarea hac in Aula extradenda , in forma
 solenni & consuetâ rite exhibeantur.

In quorum omnium fidem Ministri modo memo-
 rati Plenipotentiarii has pactorum unius ejnsdem-
 que tenoris litteras bis conscriptas & manibus suis sub-
 scriptas , sigillisque corroboratas invicem commu-
 naverunt.

Acta sunt hæc , Petroburgi 12mo Decembris die ,
 Anno post Christum natum 1717.

LIT. C.

DRIDERICUS AUGUSTUS
DEI gratia REX Poloniæ, Dux Saxonie,
Juliaci, Cliviæ, Montium, Angriæ
& Westphaliæ, Elector, &c.

VObis Magnifici, Generosi, Consiliarii fideles nobis
dilecti gratiam nostram. Exposita sunt coram no-
bis, quæ in supplicibus epistolis vestris 28. & 31. Mart.
c. a. datis, de turbato statu Ducatum Curlandiæ & Sem-
galliæ relata continentur, pariterque ea, quæ per Dele-
gatum Vestrum, de ordinanda inibi Successione, & quod
eo nomine cognati nostri, Johannis Adolphi Saxo-Weif-
senfelsensis Ducis, habita fuerit ratio, proponi curavistis.

Ad ea Sinceritates Vestras gratiose celare nolumus,
quantopere calamitoso statu Provinciæ Vestrae, qualis
voce scriptisque nobis ante oculos repræsentatus est, af-
ficiamur. Enimvero cum nihil quicquam magis in vo-
tis habeamus, quam ut Regnum nostrum & connexas ei
Provincias, diuturno bello & intestinis discordiis pessun-
datas, pristino flori & prosperitati restitutas conspicia-
mus; pari cura, quantum fieri potest in hoc incumbem-
us, ut quæ Ducatis Curlandiæ & Semgalliæ super-
venere ingravationes, protinus releventur. Qua su-
per re, ad eas quæ à delegata pro discutiendis negotiis
vestris Commissione habitæ sunt deliberationes nos re-
ferimus, easque omni modo tueri decrevimus.

Cæterum pergratum nobis evenit , pro ordinanda
 successione in jam memoratis Ducatibus Curlandiæ &
 Semgalliaæ ad Cognatum nostrum, Ducem Saxo - Weif-
 senfelsensem Sinceritates vestras respectum habuisse.
 Non potest non hoc propositum , tum propter insignes,
 quibus modo dictus Dux ornatus est, virtutes & merita,
 tum propter vinculum sanguinis Nobis cum illo interce-
 dens, Nobis esse quam acceptissimum , neque à Nobis
 quicquam omittetur , quod huic negotio promovendo
 ullo modo conducere possit, curabimusque ut in proximi-
 mis Regni Comitiis ex integro conficiatur. Quod re-
 liquum est, ad ea, quæ per magnum R. Cancellarium,
 Delegato vestro, cum nuper in Prussia essemus, hanc in
 rem verbis declarari mandavimus, provocantes, unum
 addimus , è re fore , ut ad proxime futura Comitia
 Grodnam è medio vestri mittatis , qui negotiorum ve-
 strorum procurationem agat. Gratiam nostram regalem
 S. V. pollicemur. Datum Dresdæ 21. Jun. 1718.

AUGUSTUS REX.



FLEMMING.

Statibus Ducatum Curlandiæ &
 Semgalliaæ
 Responsum ad geminas memoriales
 literas S. R. M^{ti} exhibitas.

Simonis.

*Magnificis, Generosis, fidelibus Nobis
dilectis, constitutis Palatino, Cancel-
lario, Castellano, Mareschallo Provin-
ciali, primariis Consiliariis & universo
Ordini Equestri Ducatum Curlandiae
& Semgalliae.*

